

Publicaziuns officialas dils 14 da fevrer 2025

Vischnaunca Trun

Taxaziuns da taglia

Tier l'administraziun cantunala da taglia vegn luvrau cun in niev program da taxar naven dalla perioda da taglia 2024. Entras quella midada ha ei gia dau el vargau retards el process da taxar. La scolaziun dil niev program entras l'administraziun da taglia cantunala ha liug il mars 2025 – las lavurs da taxaziun san pia vegnir fatgas pér naven digl avrel 2025. Ord quei motiv vegn ei deplorablamein era a dar retards tier las taxaziuns 2024. Nus sespruein da terminar las taxaziuns da taglia aschi spert sco pusseivel e da tarmetter quellas als pagataglias. Nus essan engrazieivels, sche Vos inoltreis tuttina las declaronzas da taglia 2024 enteifer il termin fixau. Vos contribuiss aschia da tener ils retards aschi pigns sco pusseivels.

Allianza da taglia Trun - Sumvitg

Lenna da brisch

Empustaziuns per lenna da brisch san vegnir fatgas tier il selvicultur da revier entochen ils 28 da mars (e-mail: carlo.monon@trun.ch, tel. 081 920 20 46 / mobile 078 729 73 84)

Prezis:

pégn	55.– frs / m ³
lenna da feglia	95.– frs / m ³

La lenna vegn surdada en fuorma liunga sin nos plaz da lenna naven dils 1 d'avrel 2025. Sin giavisch porscha la gruppa dil menaschi technic era ulteriurs survetschs sco:

- resgiar la lenna
- transports tochen avon casa
- pinar lenna da brisch en uauls privats

Ils cuosts che seresultan cun luvrar si e transportar la lenna vegnan quintai supplementarmein.

Uffeci forestal Trun

Tscheiver pils pensiunai da 60plus

Venderdis, ils 28 da fevrer 2025 allas 13:30–17:00 en sala da cultura Trun. Cordialmein envida

La gruppa da pensiunai dall'uniun da dunnas Trun

Information connecta ag / Repower

Leitungsunterbruch Glasfasernetz Ilanz–Sedrun

Geschätzte Einwohner. Infolge Abbruchs des RhB Bahnhofs in Ilanz muss eine Glasfaser-Hauptleitung der Repower in Ilanz unterbrochen und umverlegt werden. Diese Hauptleitung versorgt die gesamte obere Surselva. Damit die Beeinträchtigung der Kunden möglichst klein bleibt, erfolgen die Arbeiten während der Nacht. Die Kommunikationsverbindungen und -dienste sind während folgender Zeiten unterbrochen:

Dienstag, 25.2.2025, 00.00–06.00 Uhr

Die Dienstleistungen stehen Ihnen nach der Umlegung der Kabel wie gewohnt zur Verfügung. Bei allfälligen Fragen stehen wir Ihnen gerne zur Verfügung. Wir entschuldigen uns für die Unannehmlichkeiten und danken für Ihr Verständnis.

Ihre connecta ag

Tscheiver a Trun

Sonda, ils 22 da fevrer 2025 ha liug il tradiziunal di da tscheiver a Trun.

Program

- 06:30: Bien di Zignau
- 07:15: Bien di Trun
- 12:00: La via principala atras il vitg vegn serrada
- 13:30: Til atras il vitg
- 15:30: Concert dallas musicas da tscheiver sin il plaz da scola
- 20:00: Concert monstrus ed avertura dalla Oldies Bar sin il plaz da scola
- 21:00: Avertura dalla sala dil center communal cun sera da sault e produziuns dallas musicas da tscheiver

Nus havein grond plascher da festivar cun vus il di da tscheiver Trun. Bugen beneventein nus vus suenter il til sil plaz da scola, nua che vein preparau diversas purschidas da maglias e bubrondas. Nus selegrein da vossa viseta.

Musica da tscheiver, Las Lieurs da Trun

Club da skis Trun

Cuorsa Energia Alpina Nordic Cup sonda, ils 15-2-2025 naven dallas 11:00 el Center da cuorsa liunga a Trun. Vegni e mirei co nos Pandas fan ina buna pareta sin loipa. Duront e suenter la cuorsa vegn ei purschiu ustria cun grill, petta e caffè sil plaz. Nus selegrein sin vossa viseta!

Pandas, trenaders e suprastonza